


詞林摘艷

庚集  
越調



詞林摘艷

庚集

越調鬪鶴鶉目錄



萬國來朝

院落春餘

寶殿金門

四海安然



八方中同樂康衢

四海昇平

帝業南都

錦重重蘭殿椒房

百歲光陰

良友曾題

玉宇無塵

燕燕鶯鶯

酒力禁持

翡翠窻紗

滿長空雲霽天閑

領將驅兵

我和這篋笠做交遊

落日遙岑

蝶使雙雙

雲歛晴空

香篆簾櫳

人去陽臺

媚媚姿姿

綠柳凋殘

萬種離愁

春睡朦朧

玉露新涼

則爲你彩筆題詩

操一曲流水高山

歐陽子方夜讀書

鶴背乘風

鵲噪霜枝

密密飄飄

夜去明來

喜得功名遂

高聳聳一黛青山

伴了些珠履瓊簪

賣弄你仁者能仁

舉意見全別

雲暮重封

星斗文章

霜葉丹楓

春意將殘

可意才郎

聖主寬仁

電遶樞星

詞林摘艷

聞鶴鷄

萬國來朝。千邦納表。士庶康寧。黎民快樂。節遇端陽。大開殿閣。應蕤賓艾虎懸。宜時序蒲觴酌。都則為聖主寬仁。內宰每慇懃走驃。

紫花兒序

則聽的春雷也似鼓響。震地鑼鳴。雲磨旗搖。輕塵起處。駿馬咆哮。堪描百丈旗開第一遭。隨後有二仙傳道。拖白練天下絕倫。大開門貫世奇標。

長安  
庚子  
西  
歸  
子  
也  
也

庚集

寨兒令

坐鞍心一字牢。四夷解盡來朝。有仙人指路雲霧里。瞧李存孝打虎雄驍。漢李廣射鴈穿鴉。尉遲公戰八將逞英豪。取經回白馬駝着雙飛燕。綽水摘毛挾鎗。趕鏟疾。有背坐老僧喬。鬪爭鏢二鬼厮奪着。

小桃紅

隔鞍換屣使心苗。隔肚穿錢妙。倒掛枯松捨身落。前跌塵在分毫。金鈎拂屣誰知道。且休說隔一騙二。流星趕月。都不如燕子復奪巢。

金蕉葉

豹子翻身側倒。入海求珠取寶。枯樹盤根轉腰。踢斗魁星捻腦。

調笑令

見八蠻進寶。四毛女逞妖嬈。呀。我則見六臂哪吒顯。躁暴張天師驅虎施玄妙。挾黃巾要見功勞。擔水救火馬上挑。後探鞦側坐鞍韜。

鬼三臺

姜太公垂鈎釣。五馬將追着曹操。童子拜觀音悟道。

張子房進履在圮橋。大捨身登時放倒。金剛獻杵手  
內揉。二郎神趕日轉幾遭。鞦韆子施展精神。有玉女  
攏梭弄巧。

禿廝兒

野馬鏟從來見少。剪刀股前後相交。追風賦旗手內  
招。罕荅頰最難學。可也無褒。

聖藥王

僵板荅直定腰。節節高。五猿爭果摘仙桃。左插花手  
下疾。右插花馬上牢。踏梯望月看雲霄。撼水磨轉千

遭。

黃薔薇

夜叉探海潮。倒捲簾懸高。餓虎撲食煞爪。滾繡毬獅  
子卧倒。耿恭拜井把香燒。五鬼鬧判亂揪着。歸湖的  
范蠡樂逍遙。雙馬解拖着。斜插着柳稍。五匹馬亂爭  
跑。

拙魯速

我則見滾驥過腔。一週遭。鐙裏藏身暗偷瞧。斬蔡陽  
氣豪。射白猿正着。耍孩兒量馬比低高。弓箭鏝宜詠

宜朝。你試看左入鞍右入鞍有計較。

么篇

三上馬兩臂勞。見金鷄獨立着。有十閑子弟清標。三要旗搖。單獻靴蹻。對箭飛刀。我則見肩樁偏高。攀霄絕妙。四季跌落。單獻鷹放的疾。大打圍纜散了。

尾聲

鳴金鼓凱連聲砲。御堦前揚塵舞蹈。願

聖壽萬年安。長晏良辰慶讚到老。

繡停針 南

院落春餘。綠樹陰濃夏正初。落花滿地飄紅雨。遶盡簷燕鶯相呼。愛日永敲碁局打馬。池亭上柳驪碧窻。虛篆香微裊隨風度。薔薇篩影入簾疎。不覺散盡微暑。

小桃紅 北

碧煙淡靄暗藤蕪。洒幾點黃梅雨。菡萏初開燕將乳。見陌頭挽香車。載酒垂陽路。嬌鬟低唱處。絃管更舒徐。都說道行樂古來無。

合笙 南

皇都萬古。似闌苑蓬壺。遙望碧霄外。錦繡鋪。雕甍鎖闥。  
連禁衢。槐陰夾道。蟬聲度。來往遊人盡。駐馬繁華處。  
傍花隨柳。傍花隨柳。玉驄嘶過樓前去。輕鞭慢控。頻  
頻住。迤邐灑盡橋南浦。繡轂香車。喧闐樂舞。

道合 南

笑談勸酒歌金縷。翠鬢團扇掩羅襦。索賦多情緒。遠  
天芳草夕陽鋪。問回首處。遙指郵亭路。郵亭路。待明  
朝酒醒重歡娛。

調笑令 北

燕子雨晴初。江上麥黃梅已熟。家家浴佛招堤去。趁  
佳景遊賞歡娛。一任他踏殘芳草綠。一任他載酒携  
壺。

山馬客 南

綠樹連堤碧波蕩。鑑湖近樓臺掩映十里紅蕖。乘盡  
舫。載圖書。水色山光半有無。穩繫玉壺。更携取鸞笙  
鳳竽。遇佳景良辰樂事又俱。

憶多嬌 南

遊賞處。劇笑語。壯懷逸興風流雅度。歲歲年年莫教



羣負盡道昇平。幸逢

當今聖主。

耍厮兒 北

慶佳節欣逢端午。還見榴花噴火爭舒。荷葉滿池翠  
蓋鋪。畫閣外暑來初。嫩竹蕭疎。

聖藥王 北

笙歌起徹九衢。駿馬驅。打毬剪柳較羸輸。綰壽絲。結  
綵縷。少年總佩赤靈符。芳醕泛菖蒲。

金蕉葉 北

簇華筵。玉盤角黍。試羅衣釵懸艾虎。喫雪浪楚江競  
渡。棹龍舟齊擗畫鼓。

豹子令 南

水沁涼亭風滿樹。晝景舒。六曲闌杆畫簾疎。映紅蕖。  
閑來翫賞消炎暑。舞裙歌板趁香車。見瓊簪珠佩集  
仙侶。

梅花酒 南

瑤席細鋪。碧筒滿貯。調冰雪藕清涼處。須快飲倒金  
壺。和太平時今喜遇。遊觀

帝王都。沉醉酒壚好。光陰莫虛負。切莫踟躇。更將曲度。謾拈彩筆題佳句。記河朔舊曾賦。太平時今喜遇遊觀。

帝王都。沉醉酒壚好。光陰莫虛負。好光陰莫虛負。

餘音 南

良辰美景天付與。正四海太平時序。永樂繁華

當今荷

聖主。

聞鶴鶉 北

錦重重寶殿金門。高聳聳龍樓鳳閣。齊臻臻玉砌雕欄。蜜匝匝紅圍翠遶。笑欣欣節值元宵。喜孜孜生逢聖朝。明朗朗月正高。光輝輝的燈正皎。碧澄澄的月色婆娑。焰騰騰的燈光閃灼。

山馬客 南

寶月明圓花燈照耀。我只見萬朵金蓮光射青霄。端的是太平朝。盛世人間絕更妙。則聽的錦箏慢調。羨詞唱檀板敲。四海歡聲最宜宴樂。

鬼三臺 北

同歡樂。齊聲笑。任銅壺漏曉。銀漢夜迢迢。勝瑤池玉  
島。喬三教。緩行規範標。聚八仙。揣舞勢樣巧。端的是  
冠古難逢。今時遇少。

蠻牌令 南

擊鼉鼓。品鸞簫。歌金縷。舞六么。碧天香霧靄。彩霞飄。  
寶鼎內。名香細裊。金盃中。酒泛羊羔。黎民樂。玉山倒。  
金吾不禁。風景偏饒。

禿廝兒 北

碧天邊。光移斗杓。接鰲山。火樹星橋。樓臺上下。蠟炬

燒。開玳宴。列佳釵。一派笙簫。

皂羅袍 南

喜遇豐年之兆。感

皇恩浩蕩。德邁唐堯。省刑罰。薄稅罷差徭。河清海宴。民  
安樂。禎祥迭獻。麒麟鳳鳥。梯航重譯。奇珍異寶。看都  
城不弱蓬萊島。

聖藥王 北

社火將迓。鼓敲遊人。把燈亂挑。見參橫天際。夜迢迢。  
月皎潔。雲縹緲。燈光月色。影重交。這的是氣勢兩相

高。

梅花酒 南

歡娛宴樂。觥籌交錯。珠唇唱徹櫻桃小。排美質列多  
嬌。排美質列多嬌。太平年元夜好。家家樂醕醕。同携  
共約。喜人生幸遇着。喜人生幸遇着。

尾聲

良宵美景年豐兆。見社火遊人鬧炒。歌頌歡聲樂堯  
年舜日好。

闌鵲鴉

四海安然。八方寧息。萬國來朝。千邦進禮。道恭歌謠。  
豐年稔歲。五穀收禾稼齊。處處謳歌。家家慶喜。

紫花兒序

明晃晃兩輪日月。錦重重萬里江山。永綿綿一統華  
夷。文官武職。燮理益梅。其實護國安民秉正直。一箇  
箇盡心竭力。拜舞金鑾。受賞丹墀。

調笑令

衆星拱北極。彩雲飛。十二簾櫳繡幕垂。寶爐中一陣  
香風細。動龍蛇日暖旌旗。分左右兩行排錦衣。列宮

人翠繞珠圍。

禿廝兒

豐稔年麥秀二岐。太平時穀穗雙垂。慶雲景星耀太  
微。開玳筵飲金杯。堪宜。

聖藥王

絃管齊。音韻美。聖人出治樂雍熙。天下知感。  
聖德。皇基永固勝磐石。麒麟獻鳳來儀。

尾聲

宴羣臣龍虎風雲會。衆星拱

當今紫微。過王府洞中仙。勝蓬萊畫圖裏。

鬪鶴鷄

八方中同樂康衢。四海內謳歌擊壤。托賴着

聖主寬仁。所以上人民讚揚。德配於天。恩慈布廣。過舜  
堯。邁禹湯。雄糾糾武有英能。氣昂昂文憑紀綱。

紫花兒序

德化的南蠻拱手。威伏的北狄來賓。掃蕩的東虜潛  
藏。量寬如文景。豁達似高光。吾

皇道做三王尊憲章。恢弘蕩蕩。洪福齊天。

聖壽無疆。

小桃紅

文臣武職顯忠良。保宇宙山河壯。韜畧機謀勝呂望。存政事做商湯。忠勤竭力當為相。直言如汲黯。文學似劉向。端的是調鼎彝理陰陽。

鬼三臺

齊列着英雄將。智壓在孫吳上。馬到處邊夷納降。居翰苑集英賢。似韓文柳章。識風雲氣色威虜羗。善安邦定國民物康。一箇箇標住麒麟。一箇箇堪登廟堂。

尾聲

聖明有感天垂象。仁孝仁慈普仰。保安百世際雍熙。永固

皇基萬年享。

繡停針 南

四海昇平。萬國衣冠覲

帝京。人民樂業繁華盛。時聽的處處歡聲。荷

聖主同天地大德。逢時節喜氣自然增。蓐收司令迎秋景。今宵七夕共瞻星。人在闔苑仙境。

鬼三臺 北

碧天長浮雲淨。玉露滴金風應。見一道銀河千萬傾。  
牛女會鵲橋成。乞巧處香蕪寶鼎。畫樓前列瓜果啓。  
繡屏金針兒鬪穿翠縷輕。一葉墮金井梧桐。萬里共  
瑤空月影。

山馬客 南

玉漏頻傳不須問幾更。列華筵綺席鼓瑟吹笙。歌窈  
窕舞娉婷。白苧迎風爽氣生。人月共清。况遇着時和  
歲登。一任教歡娛共樂太平。

黃薔薇 北

試說着京畿勝境。遇七夕齊闢巧呈能。樂繁華歡騰  
市井。不負了良辰美景。仰望着蓬萊晃耀九華燈。又  
只見碧霄仙似駕雲輶。遙聽得緱山子晉度鸞笙。風  
清和月影。逢盛世賞令節樂昇平。

四般宜 南

生當盛世遂安寧。頻看瑞物表休徵。神龜應兆呈金  
殿。騶虞白象出郊坰。瑞麥秀嘉禾共領。黃河水徹底  
清澄。網常正法度整。家家相慶吾

皇仁聖。

禿廝兒 北

德風被邊塵。息警萬萬里。傳流着頌聲。謳歌鼓腹拚  
醕酌。酬佳節。賀昇平。福慶似雲興。

聖藥王 北

仰

帝庭齊引領。葱蘢佳氣滿都城。賞美景齊歡慶。普天下  
生民同樂際。時亨。遍朝野列英俊。播芳馨。

餘音

瞻星拜月焚金鼎。但願得一人有慶。萬萬世

皇明直與天地永。

闕鶴鵠

帝業南都。天開上國。虎踞龍蟠。吳頭楚尾。四海來賓。車

書混一。仰

聖功。歌聖德。政化流行。胡塵一洗。

紫花兒序

脩覆就三王典禮。掃蕩了六代浮華。創立起一統  
洪基。山川鞏固。殿闕威儀。雍熙形勝。班生賦最宜。占斷



了江南佳麗。說甚麼唐宋中原。周漢關西。

小桃紅

曉從鍾阜候雲霓。掩映扶桑日。鬱鬱葱葱。靄佳氣。卷舒遲。分明彩鳳朝陽立。須煩太史。瞻豐紀。瑞有頌獻形墀。

鬼三臺

望百蝶排銀雉。正臘雪初開霽。粧點出石城壯偉。一帶素屏圍。聳嶙峋百尺走。銀蛇漫坡伏。又起。偃玉龍。遠岡高又低。這一段暮景蒼茫。堪寫入漁簑畫裏。

金蕉葉

白鷺州斜橫燕尾。合抱着中流。二水尋桃葉。桃根故跡。空蕩漾。春潮數里。

調笑令

朱雀橋那壁。問鳥衣。百姓人家燕子飛。想當年王謝居權貴。到如今事往人非。江山變遷那可追。祇留下淡淡斜暉。

禿廝兒

聽嘹唳風前奏笛。只疑是舊日桓伊。向秦淮試將蘭

棹艤聲。宛轉韻清淒。煙暝長堤。

聖藥王

形勢竒。林麓美。另巍巍天印鎮坤維。樵斧息。樵唱起。恁山謳野調。總相宜。真趣少人知。

青山口

鳳臺鳳臺。月輪輝。晚雲收。秋露洗。鳳凰鳳凰。又來儀。值堯天。當舜日。詩翁逐杖藜。閨人正搗衣。聽那細細。微微。拂拂靡靡。龍江深夜裏。蓬窻客夢回。天涯鄉信。稀。刻燭談碁。剪韭傳杯。遠過瀟湘佳致。小可西湖更。

難比。

尾聲

東南自古繁華地。受用殺花朝月夕。一從八景賦金陵。便覺宵中小彭蠡。

鬪鶴鶉

錦重重。蘭殿椒房。光燦燦。

皇宮錦屋。齊臻臻。彩檻雕欄。高聳聳。瓊樓玉宇。更勝似。閨苑仙鄉。又壓着清都紫府。金鈎懸翡翠簾。

御鑾輦。龍鳳車。慶雲生冉冉。霏霏佳氣。靄葱葱。鬱鬱。

詞林  
紫花兒序

錦褥裯芙蓉彩繡。金門開孔雀銀屏。篆香焚寶鴨金  
爐。這的是人間天上。不若似翠水蓬壺。堪畫堪圖。端  
的是萬里山河壯。

帝居受用享四海之富。玉盤盛有名奇珍。金盆放無價  
珊瑚。

詞林  
調笑令

動清歌妙舞。開玳宴飲芳醕。則聽的鳳管鸞簫絲共  
竹。進珍羞百味皆全具。造金波御膳天厨。列山靈美

殺陳水陸。奏雲韶聲徹天衢。

要厮兒

端的遶宮闕。香風馥郁。遍樓臺翠錦模糊。天山九成  
樂再舉。慶一統會車書。齊奏山呼。

聖藥王

論城池龍虎踞。說豪傑英俊出。保護着金枝玉葉壯  
皇圖。見如今天下伏。皆讚祝。端的是

聖明天子百靈助。不往了興隆業

帝王都。

尾聲

慶風調雨順。依時序。軍民樂豐登。五穀齊賀着。  
萬萬年大明朝。托賴着。  
萬萬歲當今聖明主。

闔鶴鵠

百歲光陰。寄身宇宙。半世蹉跎。忘懷詩酒。竊玉偷香。  
尋花問柳。放浪行。不自羞。十載江淮。宵蟠星斗。

紫花兒序

鬢絲禪榻。眉黛吟窗。扇影歌樓。獻書北闕。挾策南州。  
遲留社燕秋。鴻幾回首。壯懷感舊。嫵媚精神。羅綺風  
流。

調笑令

漸久。過清秋。今古盟山惜未休。琴樽相對消閑晝。盡  
烏絲醉圍紅袖。陽關一聲人去後。消疎了月枕雙謳。  
秃厮兒

浩浩寒波野鷗。瀟瀟夜雨蘭舟。津亭送別風外柳。甚  
不解繫離愁。悠悠。

聖藥王

夜氣收。人語幽。西樓夢斷月沉鈎。惜勝遊。憶唱酬。追思往事到心頭。腸欲斷。淚先流。

尾聲

彩雲冉冉巫山岫。還相逢。邂逅共遊。終日惜芳心。思量歲寒友。

聞鶻鶻

良友曾題。佳人所為。嬾嬾停停。姿姿媚媚。體態溫柔。心腸老實。件件習。事事知。妙舞偏宜。清歌更羨。

紫花兒序

一頭相見。兩意相投。百步相隨。去秋同會。重午別離。傷悲。和淚和愁。飲酒盃後。約何期。舉目長亭。執手臨岐。

金蕉葉

一曲陽關未已。兩字功名去急。四海離愁去國。半霎兒誰忘恩德。

調笑令

柳七。樂章集。把臂雙歌真先味。幽歡羨愛成佳配。效連理鷓鴣比翼。雲窻共寢聞子規。似繁華曉夢驚回。

禿廝兒

出郡城愁臨浙水。寓錢塘悶度朝夕。匆匆一鞭行色。催洒梨花雨霏霏。寒食。

聖藥王

風物熙麗。日遲連天芳草正萋萋。客萬里。人九疑。遙岑十二遠煙迷。生隔斷武陵溪。

尾聲

玉人別後空相憶。古猶今之視昔。暮雨楚臺雲。桃花洞天水。

鬪鶴鶉

玉宇無塵。銀河瀉影。月色橫空。花陰滿庭。羅袂生寒。芳心自警。側着我這耳朵兒聽。躡着我這脚步兒行。悄悄冥冥。潛潛等等。

紫花兒序

等待的齊齊整整。娘娘婷婷。等待俺那姐姐鶯鶯。這早晚一更之後。萬賴無聲。直至鶯庭轉過這迴廊下。沒揣的見俺可憎。我將他來緊緊的守定。則問他會少離多。常好是有影無形。

金蕉葉

則聽的角門兒呀的一聲。風過處花香細生。跣着我  
這脚尖兒仔細定睛。比着那初見時節。龐兒越整。

調笑令

我這裏甫能。敢見娉婷呀。比着那月殿裏嫦娥忒恁  
般撐。我見他遮遮掩掩穿芳徑。料應來小脚兒難行。  
可嬉娘臉兒百媚生。兀的可不引了人魂靈。

小桃紅

夜深香靄散空庭。簾幙東風靜。拜罷也斜將曲欄凭。

長嘆了兩三聲。剔團團明月如懸鏡。又不是輕雲薄  
霧。都則是香煙人氣。兩般兒氤氳不分明。

禿廝兒

早是臉兒上撲堆着可憎。心兒裏埋沒着聰明。他把  
這新詩和得忒應聲。一字字訴真情。堪聽。

聖藥王

更那堪語句兒清。音律兒輕。小名兒不枉了喚做鶯  
鶯。他若是共小生。廝覷定。隔牆兒醉和到天明。方信  
道惺惺惜惺惺。

麻郎兒

我拽起羅衫來欲行。他忙將箇笑臉兒相迎。不做美紅娘淺情。不當一箇謹衣來命。

么篇

我這裏忽聽一聲猛驚。原來是忒楞楞宿鳥飛騰。顫巍巍花稍弄影。亂紛紛落紅滿徑。

絡絲娘

空撇下碧澄澄蒼苔露冷。明皎皎花篩月影。白日裏淒涼枉耽病。今夜把相思再整。

東原樂

簾垂下。戶已扃。我恰纔悄悄相問。他那里低低應。月朗風清恰二更。厮候倖。不知是他無緣小生薄命。

綿荅絮

恰尋歸路。竚立空庭。竹梢風擺斗柄雲橫。今夜淒涼有四星。他不做人待怎生。則落的眉眼傳情。喙兩箇口不言心自省。

拙魯速

對着盞碧熒熒短檠燈。倚着扇冷清清舊幃屏。燈兒



又不明。夢兒又不成。紗窗外。浙零零。風兒透。踈櫺。心  
楞楞。紙條兒鳴。枕頭兒上。孤另。被窩兒裏。寂靜。你便  
是鐵石人。鐵石人也動情。

么篇

怨不能恨。不成睡。不安坐。不寧。有一日。柳遮花映。霧  
障雲屏。夜蘭人靜。海誓山盟。恁時節。風流嘉慶。錦片  
前程。羨滿恩情。那其間。畫堂春自生。

尾聲

一天好事從今定。一首詩分明做照証。再不許青瑣

闌。夢兒中尋。則去那碧桃花樹兒下等。

鬪鶻鶻

燕燕鶯鶯。花花草草。穰穰勞勞。多多少少。媚媚嬌嬌。  
停停娘娘。鸞鳳交。沒下稍。空耽了。夢是是非非。受了  
夢煩惱煩惱。

紫花兒序

困騰騰。頭昏腦悶。急煎煎。意穰心勞。虛飄飄。鬼散鬼  
消。他丰丰韻韻。艷艷天天。日日朝朝。雨雨雲雲。漸縹  
緲。那堪暮秋天道。似這般。爽氣清高。更那堪。夜雨瀟

瀟。

禿廝兒

悶懨懨愁心怎熬。昏沉沉夢斷魂勞。秋聲轆轤砧韻。敲浙零零雨灑芭蕉。初凋。

小桃紅

枕寒衾冷夜迢迢。旖旎人兒俏。徃徃難成夢驚覺。好心焦。悲悲切切鴈兒呀呀的叫。透戶牖金風浙浙滴。更長銅壺點點。更那堪蛩韻絮叨叨。

天淨沙

懨懨鬼病難消。淒淒心痒難揉。漸漸神魂散却。好教人沒顛沒倒。意遲遲業眼難交。

尾聲

想當日焰騰騰烈火燒妖廟。番滾滾洪波侵畫橋。明晃晃火燒此時休。白茫茫水滄殺未成就的夫妻到是了。

鬪鶴鴉

酒力禁持。詩魔喚起。紫燕喧喧。黃鶯啞啞。紅杏鄉中。綠楊影裏。麗日遲。節序催。柳線懸金。桃花泛藥。

詞林  
紫花兒序

香馥馥花開滿目。碧粼粼水遶孤村。綠茸茸的芳草  
萋萋。揚鞭指處。堪畫堪題。相宜。竹塢人家。傍小溪。彩  
繩高繫。春色芬芳。花市狼藉。

小桃紅

一簾紅雨落花飛。醞釀蜂兒蜜。跨驪携壺醒還醉。草  
萋萋。融融沙煖。鴛鴦睡。韶光明媚。和風煖日。因此上  
惹起杜鵑啼。

禿廝兒

凝眸處黃鶯子規。動情處綠暗紅稀。鶯慵燕懶蝶倦  
飛。冷落盡這芳菲。又早春歸。

聖藥王

我則見醉似泥。僕從隨。小橋流水隔花溪。柳岸西。趁  
古堤。數枝紅杏出疎籬。兀良則見那墻外舞青旗。

尾聲

看了這四圍錦繡繁華地。車馬遊人輳集。看了這紅  
紫醉鄉中。堪寫入丹青畫圖裏。

鬪鶴鶉

翡翠窻紗。鴛鴦碧瓦。孔雀銀屏。芙蓉繡榻。幕捲輕綃。  
香焚睡鴨。燈上上。簾下下。這的是南省尚書。東窻駙  
馬。

紫花兒序

帳前軍朱衣畫戟。門下士錦帶吳鉤。坐上客繡帽官  
花。體教坊歌舞。按內苑奢華。板散紅牙。一派簫韶準  
備下。立兩行美人如畫。粉面銀箏。玉手琵琶。

金蕉葉

我則見銀燭明燒絳蠟。纖手高擎玉竿。我見他舉止

處堂堂俊雅。我去那燈影兒裏孜孜的覷他。

調笑令

這生那里每曾見他。莫不我眼睛兒花。呀。我這里手  
抵着牙兒試記咱。不由我眼兒里見了他。心牽掛。莫  
不是五百年前歡喜冤家。是何處綠楊曾繫馬。莫不  
是夢兒中雲雨巫峽。

小桃紅

玉簫吹徹碧桃花。一刻千金價。燈影里斜將眼稍兒  
抹。諛的我臉紅霞。酒盃中嫌殺春風凹。玉簫年當二

八未曾招嫁。俺相公倍養出牡丹芽。

### 鬼三臺

他說幾句淒涼話。我淚不住行兒般下。鎖不住心猿  
意馬。我是箇嬌滴滴落陽花。險些兒露出風流的話  
靶。這言詞道。要不是耍。這公事道。假不是假。他那里  
拔樹尋根。我這里指鹿道馬。

### 禿廝兒

我勸他似水底納瓜。他覷我似鏡里觀花。更做道書  
生自來情性耍。調戲俺好人家。嬌娃。

### 聖藥王

你着我怎救他。難按納。公孫弘東閣開喧譁。散了這  
玳瑁筵。漾了這鸚鵡竿。踢翻了銀燭絳籠紗。扯三尺  
劍離匣。

### 尾聲

從來這秀才每色膽天來大。把俺這小膽兒文君詭  
殺。忒火性卓王孫。強風情漢司馬。

### 鬪鶴鶉

滿長空雲霧天閑。鎖西風寒冰片片。落瓊藥滾銀團

似舞梨花。飛柳絮。鋪膩粉。鵝毛碎剪。寶雕鞍。錦蹀躞。  
玉轡金鞭。烏鐵鐙。飛龍鱗。桃花細碾。氣昂昂。架着俊  
鷹。雄糾糾。牽着細犬。貂鼠帽。絡珠纓。金頂偏宜。比里  
罕。趁暖日。絨鋪着細氊。

紫花兒序

白玉帶。明晃晃。鍬鍬橫掛。皂鴉翎。急颭颭。鬢角斜簽。  
呀。來來的口說着番言。慣甲將凱。征鼙鳴。金擊鼓。錦  
衣郎。吹曉日。畫角聲喧。當先。旌旗颭。飄彩帶。應瑞靄。  
按八卦圖中。赤力力。風吹開。上面有金字懸。寫着道  
是沙陀國。順天之篆。統貔貅。有百萬雄兵。布圍場半  
合兒屯。滿了坡前。

么篇

更有那飛魚袋。彎一張描金漆。縷金粧弓。彎鵲畫。走  
獸壺。插幾枝皂鴉。鴿銀纏杆。狼牙箭。百步穿錢。英賢。  
列七層圍子。手在金頂蓮花寶帳前。出來的一箇箇  
性兒不善。耀武揚威。敢勇當先。

寨兒令

錦茸茸的袍。藹雲光。燦燦甲籠煙。銀飄飄。鴈鴿刀手

腕上懸鴉鴿似。蹬弩開弓。映日遮天。獸面牌揮宇宙。  
滅狼煙。鎖子鎧。柳綠絨穿。匙頭甲。水磨清泉。一留兀  
刺說。點里。剔溜禿魯。打着番言。朔風一似人馬到林  
川。

小紅桃

銀河水凍一似水晶簾。山色晴嵐。佃古釣灘頭。怎下  
鈎線。取何處覓打漁舡。裊蒼苔驚起雙飛燕。先取我  
那檀貼弓拽圓。後發我這穿楊准箭。中賓鴻滴溜撲  
墜落在草坡前。

鬼三臺

轉過這紫荆鋪草黃蘆岸。正落在蒲老枯荷蓮架上。  
見驚起步金翅鷄。銀頭鵝。錦背鴛。觀山色端的如銀  
練。雪平鋪了萬里山川。我則見蒼松老枝上歇着野  
猿。碧天邊險凍殺了飛鳶。

耍厮兒

捕禽網巡拖布展。匙頭弩蹬開一似秋月般團圓。我  
則見銅鈴細犬黃鷹向前。白海青緊相連。俊鴉鶻斜穿。

聖藥玉

我則見馬驟駝。人語喧。赤力力錦貂旗磨繡雲連寶  
鐙邊。繡韉偏捲黃旛豹尾鎖金錢。呀来来齊上馬衆  
官員。

青山口

我則見錦衣錦衣帳前喧。他每列笙歌排管絃。我則  
見幾員幾員吐實番官。都將荅絲兒頭上纏。風傳  
人語喧。弓開秋月般圓。則見呀兒来来舞蹁躑。披着  
羊襖。簑毡。茶褐毛的絨團。鼠尾線的香綿。紫貂鼠披  
肩。帶花泥金八寶蓮。袖擎舉金鞭。番馱客駿駝。鴈鷄  
早歸去遠。

闖鶴鷄

鵲滿荅連。鴉鵝雀掛叉前。我則見委兀兒當先。凱歌  
聲喧。馬踐狼煙。馬躡坡前。金鐙敲遍。呀来来三軍又  
早歸去遠。

闖鶴鷄

領將驅兵。開疆展土。虎畧龍韜。掌握着元戎帥府。八  
面威大將英雄。百靈助

當今洪福。見如今滅四夷。平東虜。坐下馬勝似俊猊。鞍  
上將過如猛虎。

紫花兒序



六韜書平安了北塞。三畧法掃蕩西戎。十大功四海  
皆服。憑咱英武膽。氣豪麗施謀。對壘相持能結束。伏  
手策運籌帷幄。若論着斬將雄威。到處降伏。

金蕉葉

我則見威凜凜雄兵萬旅。惡限限開弓蹬弩。氣昂昂  
拿雲握霧。雄糾糾呼風喚雨。

調笑令

若論着智謀。勝孫吳馬到處干戈。一旦無。太平年受  
賞千鍾祿。盡都是保山河。玉堂人物。一箇箇麒麟殿。

上入畫圖。宵箴着萬卷兵書。

禿廝兒

金鑾殿加官進祿。禹門深駟馬高車。我則見旌旗兩  
行排着士卒。奉天命身穿着紫朝服。對着鑾輿。

聖藥王

一心將社稷扶朝。

帝都靜鞭鳴罷。奏山呼。衆宰輔。文共武侯。門戶列八椒  
塗。一箇箇玉帶上掛金魚。

尾聲

棟梁材白玉擎天柱。貫滿

皇都四字。大明朝武將定乾坤。名播清風萬萬古。

鬪鶴鶉

我和這隻笠做交游。蓑衣為伴侶。這隻笠避了步冷  
霧寒煙。這蓑衣遮了步斜風驟雨。看紅鴛戲波面千  
潏。喜白露風絲一縷。白日里坐一榻芳草茵。到晚來  
宿半間茅苫屋。想從前錯怨了天宮。却也有安排我  
處。

紫花兒序

你道我不達一箇時務。我是一箇避世的嚴陵釣幾  
尾滿網遊魚。怎禁那四蹄玉兔。三足金烏。躊躇看了  
步成敗興亡。越今古。浪淘盡千古風流人物。昨日箇  
虎踞在咸陽。今日箇兔走姑蘇。

小桃紅

則我這領麤布袍。雖不及紫朝服。到大來自在無憂  
慮。草履比朝靴大行步。慢麻絲緊束住我身軀。想嚴  
光也有安排處。一箇秦李斯在雲陽中滅簇。一箇漢  
張良辭朝歸去。都待要玉帶上掛金魚。

金蕉葉

七里灘從來是祖居。十倍兒不知一箇禍福。常遶定灘頭看景物。一世兒不做官稱了我平生願足。

調笑令

巴的到日暮。看天隅。見隱隱殘霞三四縷。釣的這錦鱗滿向籃中聚。這的是收綸罷釣漁父。看了些江上晚來堪畫圖。抖搜着綠簑歸去。

鬼三臺

你可便休停住。疾回去。不去呵枉惹的半霎兒訛言

訛語。傳示與您漢鑿鑿。休着俺這閑人每受苦。紗幞頭戴着殼我額顱。皂朝靴緊行拘我二足。手執着斑竹綸竿。誰秉你那花紋象笏。

禿廝兒

您那里有榮辱襴袍靴笏。俺這里無憂愁新酒活魚。則您那為官到大心受苦。不戀您玉帶上掛金魚。盡都是囂虛。

聖藥王

我在這水國居。樂有餘。棄高官不做待何如。重呵止

詞林  
志  
不過請些俸祿。輕呵動不動滅了九簇。這的是一封  
天子詔賢書。他也不是你獲身符。

麻郎兒

聽說咱肺腑。我共你近鑾輦。常遶定南陽酒壚。醉醕  
酹不知箇歸去。

么篇

我是箇酒徒。醉餘睡足。又無甚花氈繡褥。布袍袖把  
咱來遮護。你在席頭兒多處。

尾聲

說與您那劉文叔。索你着他別處分付。我可也不戀  
您無發落襪袍靴笏。我是那十年前橫飲舊知交。誰  
識您那改更名中興漢光武。

鬪鶴鶉

落日遙岑。淡煙遠浦。蕭寺疎鍾。戍樓暮鼓。一葉扁舟。  
數聲去櫓。那慘慄。那淒楚。恰待歡娛。頓成間阻。

紫花兒序

病懨懨香消玉減。冷清清夜永更長。孤另另枕剩衾  
餘。羞花閉月。落鴈沉魚。躊躇從今後。誰寄蕭娘一紙

詞林  
詞譜  
書無情無緒。水滄籃橋。夢斷華胥。

調笑令

肺腑。恨難舒。三疊陽關愁萬縷。幽期密約歡娛處。動  
離愁暮雲無數。今夜月明何處宿。依依古岸黃蘆。

禿廝兒

歡娛地不堪舉目。回首處景物瀟疎。星前月下誰共  
語。慢嗟吁。自躊躇。何如。

聖藥王

思伴侶。何處宿。可又早鬆金減玉瘦了身軀。鬼病添。

神思虛。心似刀剜淚如珠。意懶上香車。

尾聲

眼睜睜怎忍分飛去。痛殺我也吹簫伴侶。不付能恰  
住了送行一帆風。又添起助離愁半江雨。

鬪鶴鶉

蝶使雙雙。蜂媒對對。燕語關關。鶯聲啞啞。仕女把芳  
尋。丫鬟將翠拾。節序宜。景物奇。麗日遲遲。和風浙浙。

紫花兒序

嬌滴滴三春佳景。翠巍巍一帶青山。錦重重滿目芳

非端的是宜晴宜雨。堪賞堪題。鴨好是幽微。嫩柳天  
桃傍小溪。時遇着春光明媚。人賀豐年。民樂雍熙。

小桃紅

雕欄花簇繡屏圍。四季春為貴。萬紫千紅引人意。轉  
黃鸝。鴛鴦如錦池塘睡。翫不盡山水。無窮景致。更那  
堪花下杜鵑啼。

調笑令

賞奇葩異卉。休直待錦離披。多感謝春工造化機。彩  
繩懸畫板。鞦韆戲。遍郊園。幕天席地。動笙歌一派音

韻美。列山靈水陸筵席。

耍厮兒

花萼拆香風拂鼻。柳絲垂翠靄攢眉。我則見蜂蝶趁  
花鶯燕飛。且歡賞莫催逼。對飲樽罍。

聖藥王

就着這花滿溪。柳滿堤。掩映着數株紅杏出疎籬。風  
吹的酒力微。景助的詩興起。見滴溜溜牆外舞青旗。  
直喫的醉扶歸。

尾聲

慶風調雨順。昇平日。保一統山河社稷。托賴着千千載仁主。

聖明朝齊仰賀。

萬萬歲吾皇大明國。

鬪鶴鶉

雲斂情空。冰輪乍湧。風掃殘紅。香堦亂擁。離恨千端。閑愁萬種。老夫人靡不有初。鮮克有終。他做了箇影兒裏情郎。我做了箇畫兒裏愛寵。

紫花兒序

則落得心兒中。念想口兒裏。頓題則去那夢兒中。相逢。俺母親昨日箇大開東閣。我則道怎生般炮鳳烹龍。朦朧。可教我翠袖慙慙捧玉鍾。却不道主人情重。都則為兄妹排連。因此上魚水難同。

小桃紅

玉溶深鎖綉幃中。怕有人搬弄。想嫦娥西沒東生有誰共。怨天宮。裴航不作遊仙夢。這雲似我羅幃數重。只恐怕嫦娥心動。因此上圍住廣寒宮。

天淨沙

莫不是步搖得寶髻玲瓏。莫不是裙拖得環珮玎珰。  
莫不是鐵馬簷前驟風。莫不是金鈎雙控却怎生珞  
玳瑁敲響簾櫳。

調笑令

莫不是梵王宮。夜聲鍾。呀。莫不是踈竹瀟瀟曲檻中。  
莫不是牙尺剪刀聲相送。莫不是漏聲長滴嚮壺銅。  
我這裏潛身再聽墻角東。元來是近西廂理結絲桐。

禿廝兒

其聲壯似鐵騎鎗刀冗冗。其聲幽似落花流水溶溶。

其聲高似風清月朗鶴淚空。其聲低似嬰兒語小窻  
中。喁喁。

聖藥王

他那裏思不窮。我這裏意已通。因此上嬌鸞雛鳳失  
雌雄。曲未終。意轉濃。伯勞飛燕各西東。咯可也盡在  
不言中。

麻郎兒

這的是令他人耳聰。訴自己情衷。知音者芳心自懂。  
感懷者斷腸悲痛。



么篇

這一篇與本宮始終不同。又不是清夜聞鐘。又不是黃鶴醉翁。又不是泣麟悲鳳。

絡絲娘

一字字更長漏永。一聲聲衣寬帶鬆。別恨離愁變作一弄。張生呵越教人知重。

東原藥

這的是俺娘機變。非干是妾身脫空。若由得我呵乞求的效鸞鳳。俺娘無夜無明交我并女工。若得些兒

閑空。張生呵。怎教你背地里把妾身作誦。

綿荅絮

踈簾風細。幽室清燈。都則是一層兒絳紙。幾枕兒踈檣。似隔着雲山幾萬重。怎得箇人兒信息通。便做到十二巫峯。他也曾赴高堂來夢中。

拙魯速

走將來氣冲冲。怎不教人恨匆匆。諛的人怕恐。早則不曾轉動。女孩兒家只般響喉嚨。緊摩弄。索將欄縱。只恐怕夫人行厮莖送。

尾聲

老夫人時下人唧噥好。共歹不要你落空。則俺那口  
不應狼毒娘。我怎肯別離了志誠種。

鬪鶻鶻

香篆簾櫳。槐陰院宇。舊恨鶯啼。新愁燕語。蝶遶雙飛。  
蜂穿對舞。短嘆息。長嘆吁。雲焰燒空。日當正午。

紫花兒序

白玉枕。灰塵遮護。紫藤床。網結蛛絲。青紗帳。唐土堆  
浮草。木朱戶。香盡金爐。衾餘無限。相思何日除。那的

是痛傷心處。堪觀那池內青蒲。堦下紅葵。

小桃紅

亂盤雲髻不忺梳。懶插鸞釵。玉羞對菱花。倦煩覷。淚  
如珠。眉間頻鎖。閑憂慮。雨慳雲阻。那人何處。常則是  
嘴古都。

金蕉葉

紗窻下無言不語。香汗溶溶粉珠。羅帕兒輕揩汗無。  
早顯出無瑕玉膚。

調笑令

喚小玉聽分付。呀。將八尺蝦鬚水篋鋪。安排準備蘭  
湯浴。脫輕紗。肱露香酥。嬌嬌媚媚。天下無。那妖燒不  
與尋俗。

禿廝兒

則聽的一聲水撲多。管是盆內輕浮。出蘭湯。又將小  
玉呼。白似雪。玉肌膚。端的誰如。

聖藥王

高髻梳。雅髻鋪。不須傅粉再施朱。妖艷容。窈窕軀。忒  
風流。堪上美人圖。歇息在碧紗厨。

綿答絮

似楊妃模樣。西子人物。篋鋪薤葉。頭枕珊瑚。侍妾丫  
鬟使扇撲。似紗籠碧玉酥。丹臉霞鋪。似嫦娥離洞府。  
么篇

不覺的昏沉墜金烏。忽刺的碧澄澄起蟾蜍。燈兒不  
滅影兒又獨急。煎煎鸞鳳孤。撲簌簌淚如珠。月光穿  
簾幕。又被那注銅龍漏滴壺。

拙魯速

雲又殊。雨又無。鶯又單。燕又孤。有一日得成夫婦。錦

帳歡娛。惜王憐香。鸞鳳同居。得一箇風流佳婿。似水如魚。坐七香車。盡堂中春自餘。

尾聲

莫不是當初錯勘姻嫁薄。既不是怎生結未了鴛鴦。間阻。怎能勾舉案共齊眉。休忘了朝思暮念苦。

鬪鵝鶉

人去陽臺。雲歸楚峽。不爭你江上停舟。幾時得門前過馬。悄悄冥冥。瀟瀟灑灑。踏鴈沙。步月華。行過這萬水千山。都則在一時半霎。

紫花兒序

想情人心中離恨。趕王生柳下停舟。似張蹇在天塹。浮槎。汗溶溶。玊珠盈臉。亂鬢鬆雲髮。堆鴉。走的我力盡筋乏。莫不是夜宿秦淮賣酒家。我向這斷橋植下。踈刺刺的秋水枯蒲。冷清清的明月蘆花。

小桃紅

我驀聽的馬嘶人語鬧喧譁。掩映在垂楊下。諛的我撲撲的小鹿兒。心頭那驚怕。璫璫的鳴榔板。捕魚蝦。恰纔那順西風。悄悄的聽沉罷。我趁着他這淹淹的

露華對着這碧澄澄的月下。猛聽的呀呀的寒鴈起平沙。

調笑令

沙池上款踏。蓑草上帶霜霞呀。恰掩過湘裙翡翠紗。抵多少蒼苔露冷凌波襪。看江山列成圖畫。我則見冰壺激灩天上下。青霄月碧玉無瑕。

聖藥王

我這里近蓼花。纜釣槎。有拆蒲衰草綠蕪葭。近水凹。傍淺沙。遙望見煙籠寒水月籠紗。茅舍兩三家。

麻郎兒

暢好是直伯牙。我做了箇沒出豁的人家。為甚麼私離本家。待和伊同赴天涯。

么篇

險把我爭些兒走乏。比及你遠至京華。薄命人心中念他。思量心何時撇下。

拙魯速

你若似賈誼般困長沙。我便似孟光般顯賢達。若半星兒意差。一星兒敬他。舉案齊眉傍書榻。一任他淡

薄生涯者莫我戴荆釵。戴荆釵穿布麻。

么篇

把稍公忙喚咱。怕家中厮捉拿。我則見遠樹寒鴉。岸草蘆花。數聲啼鴉。幾縷殘霞。快疾把雲帆高掛。月明直下。航槽伊啞。咱可便趁東風。莫消停疾進咱。

尾聲

果然他上長安登途路。把車兒駕。則願你箇文章客。時當奮發。則我這貫沽酒的卓文君。我情願扶持你。箇題橋漢司馬。

鬪鶻鶻

媚媚姿姿。淹淹潤潤。娘娘婷婷。丰丰韻韻。臉襯朝霞。指如嫩笋。一捻腰。六幅裙。萬種妖嬈。千般可人。

紫花兒序

曲彎彎蛾眉掃黛。慢鬆鬆鳳髻高盤。高聳聳蟬髻堆雲。一團兒旖旎。百倍兒精神。超羣。越女吳姬。怎相襯。席上慇懃。百媚臙兒。端的是一笑生春。

秃厮兒

瘦怯怯金蓮步穩。嬌滴滴皓齒朱唇。肌如美玉無玷。

詞林  
損。一見了便消魂。絕綸。

聖藥王

酒半醺。更漏分。畫堂銀燭照黃昏。枕上恩。被底情。丁香笑吐麝蘭噴。自古道燈下看佳人。

尾聲

好姻緣休道別離恨。只恐怕兩下里魂勞夢引。試羅衫襟兒寬。和你那繡裙帶兒來儘。

鬪鶴鶉

綠柳凋殘。黃花放徹。塞鴈聲悲。寒蛩韻切。舊恨千場。

新愁萬疊。正美滿。忍間別。雨歇雲收。花殘月缺。

紫花兒序

支楞的瑤琴絃斷。撲簌的井墜銀瓶。玳瑁的碧玉簪。拆。臨行携手。不忍分別。傷嗟。目斷雲山千萬疊。最苦是離別。鴛被空舒。鳳枕虛設。

調笑令

把眉峯暗結。欲待要兩情絕。不思量除非是心似鐵。我這里冷清清。捱落了西樓月。又聽的戍樓上畫角。嗚咽。奏梅花幾聲音韻切。我和這業心腸越不寧貼。

禿廝兒

正歡娛誰知間別。纔羨滿又早離別。恰兩箇雲期雨  
約難棄捨。似團圓一輪明月。又被雲遮。

聖藥王

愁萬疊。恨萬結。滿懷離恨對誰說。成間別。時運拙。氣  
長吁多似篆煙斜。和銀燭也啼血。

尾聲

受恓惶怎生捱明夜。把受過的淒涼記者。來時節一  
句句枕頭兒上言。一星星被窩兒裏說。

鬪鶴鶉

萬種離愁和我這千般恨轉。越感起無限傷情。頓使  
人心專意懸。迤逗起一片芳心。搵不住愁眉淚眼。這  
些時心緒關。盼的人眼望穿。情思逐驟雨瀟瀟。恨心  
隨楊花剪剪。

繡停針

小小亭軒靜裏思量。咱命限怎得歡娛重相見。春纖  
把淚珠頻彈。辜負了良辰美景。消磨了粉面朱顏。這  
場愁悶難消遣。青天不管我熬煎。無柰水遠山遠人



遠。

紫花兒序

山隱隱無邊難盡。水茫茫千里無窮。人遠遠一片心  
牽。怕的是秋天時候。塞鴈天邊。聲喧不由人倒枕垂  
床。將他這鬼病纏。萬縷情牽。瓶墜簪拆。琴斷冰絃。

四般宜

閑愁閑慮有萬千。無語無寥怨青天。淒淒涼涼閑庭  
院。孤孤另另我孤眠。相會時鸞交鳳友。別離後月缺  
花殘。鮫綃帕淹淚眼。因何書信全無半篇。

金蕉葉

怕的是紗窗外梧桐月轉。怕的是金井畔紅殘綠剪。  
怕的是樵樓上聲聲角喧。怕的是鐵馬兒簷前韻演。

山馬客

一曲陽關早經數年。憶多情幾度酒筵歡勸。分鶯燕。  
阻鸞鳳。欲寫情詞心事傳。流淚點。污濕素玉錦箋痛。  
傷心怨恨薄倖少年。

調笑令

願青天可憐。俺無緣。端的俺無緣。呀。這步時雲鬢鬢



鬪鷓鴣

春睡朦朧家童喚起。燕語呢喃。鶯聲轉啼。紅杏枝頭。天桃葉底。春日遲景最奇。嫩柳拖金。嬌花豔緋。

紫花兒序

花殘零落。柳絮沾泥。對景堪題。遙山一派。水泛波瀾。端的四景其中春富貴。一簇簇鞦韆爭戲。麗日融和。驕馬頻嘶。

小桃紅

紛紛紅雨落花飛。雨洗山明媚。醉而復醒醒而醉。倒

罇壘。春光映水山疊翠。綠楊影裏尋芳捨翠。此景最堪題。

禿廝兒

列綺羅香風細細。見仕女對對相隨。香車寶馬如畫裏。一處處飲金盃相宜。

聖藥王

麗日遲。節序催。王孫仕女鬪爭馳。醉似泥。步步隨。綠楊枝上杜鵑啼。叫道不如歸。

尾聲

笙歌鼓樂喧天地。春賞名園景致。似這般賞心樂事。慶豐年。一世兒為人更落的。

鬪鷓鴣

玉露新涼。金風漸起。托賴着

聖主寬洪。千邦進禮。喜遇着盛世年豐。興隆社稷。見如今四序和。萬姓喜。道泰歌謠。偏邦頓息。

紫花兒序

感應的麒麟出獻。彩鳳呈祥。青鳥來儀。四時八節。民樂雍熙。無及他。每都鼓腹謳歌讚。

聖德見如今萬邦寧謐。一統封疆。萬國遵依。

金蕉葉

雄糾糾文臣武職。善通知天文地理。秉忠誠於家報。國一箇箇威風萬里。

鬼三臺

我則見龍宮內。盡都是黃金砌。明晃晃瓊樓玉壁。見瑞靄燦光輝。勝蓬萊洞裏。玉樓臺巧鑄龍鳳飛。金粧成升斗錦繡堆。恰便似閬苑蓬萊。勝似那十洲勝跡。

調笑令

蕩金風氣質。彩雲飛更。和那兔影蟾光明似水。見冰輪照徹天和地。桂花香月影風襲。祝賀着吾皇萬年延壽紀。更那堪洪福天齊。

禿廝兒

萬乘主仁慈孝義。勝當年虞舜能為。寬仁厚德秉正直。天心順百祥集。堪宜。

聖藥王

擺列着玳瑁齊。百味奇。你看那金釵十二謹相隨。更和這玉液濃。漱滌盃。則聽的笙歌一派奏。塤箎齊賀。

着

萬萬歲永無極。

尾聲

太平年四海民歡會。齊賀着年豐物美。中秋月喜團圓。托賴着。

聖壽無疆萬萬紀。

鬪鶴鴉

則為你彩筆題詩。迴紋織錦。送的人卧枕着床。忘食廢寢。折倒的鬢似愁潘。腰如病沈。恨已深。病已沉。昨

夜箇熱臉兒對面搶白。今日箇冷句兒將人厮侵。

紫花兒序

把似你休倚着龍門兒帶月。依着這韻角兒聯詩。側着我這耳朵兒聽琴。怒時節把一箇書生來迭韻歡。時節將一箇侍妾來逼臨。難禁好交我似線脚兒慙。慙不離了針。從今後交他一任。將人的義海恩山。都做了遠水遥琴。

天淨沙

心不存學海文林。夢不離柳影花陰。則去竊玉偷香

上用心。又不曾得甚。自從那海棠開想到如今。

調笑令

我這里自審。這病敢為邪淫呀。尸骨崑崑鬼病侵。更做道秀才每委實從來恁。似這般乾相思好交撒啜。功名上早則不遂心。婚姻上逐陰復陰。

小桃紅

桂花搖影夜深沉。酸醋當歸浸。面靠着湖山背陰里。窳這方兒最難尋。一服兩服令人恁。忌的是知母未寢。怕的是紅娘撒沁。吃了呵。穩情取使君子一星兒。

參。

鬼三臺

足下其實咻。休粧啞。我笑你箇風魔的翰林。何處問  
佳音。則向簡帖兒上計稟。得了箇紙條兒恁般綿里  
針。若見俺玉天仙怎生軟厮禁。則俺那小姐忘恩。赤  
緊的樓人負心。

秃厮兒

你身卧着一條布衾。頭枕着三尺瑤琴。他來時怎生  
和你一處寢。凍的來戰戰兢兢。說甚知音。

聖藥王

果然是你有心。他有心。昨夜箇鞦韆院落夜深沉。花  
有陰。月有陰。春宵一刻抵千金。何須你詩對會家吟。

東原樂

俺那里鴛鴦枕。更和那翡翠衾。便遂殺了人心如何  
肯賃。至如今你不脫解和衣兒更怕甚。不強如手執  
定指頭兒恁。倘得成親到大來福廕。

綿搭絮

他生的眉黛遠山鋪翠。眼橫秋水無塵。躰若凝酥。腰

如嫩柳。俊的是臍兒。俏的是心。體態溫柔。性格兒沉。  
雖不會法灸神針。勝似那救苦難觀世音。

公篇

口兒里謾沉吟。夢兒里苦追尋。將往事以沉。這言詞  
目今。今夜相逢。管交恁。不圖甚白璧黃金。則要你滿  
頭花拖地錦。

尾聲

雖然是老夫人。曉夜將門禁。好共歹。須交您稱心。來  
時節。肯不肯。盡猶他。見時節。親不親。在於您。

鬪鶴鷄

操一曲流水高山。錦心繡腹。水國魚邦。跳出那龍潭  
虎窟。頂笠披蓑。低防着斜風驟雨。閑來時琴一張。酒  
一壺。自飲自歌。獨言獨語。

紫花兒序

也不學李白。捫月。屈原投江。只學那范蠡。歸湖。遶一  
灘紅蓼。對兩岸青蒲。漁夫慢慢的將舡兒。你與我掉  
過去。驚起幾行鷗鷺。樂以清閑。吾不歸歟。

小桃紅



水聲山色兩相宜。閑看雲來去。怨結愁腸對誰訴。自  
躊躇。將幾般兒煩惱收拾聚。感時懷古。舊榮新辱。都  
裝入酒葫蘆。

金蕉葉

來到這蘆花密處。款款的將舡兒纜住。見垂柳風搖  
翠縷。風蕩的幾朵荷花似舞。

調笑令

來到他這淺處。探着身軀。呀。慢慢的將鈎兒垂將下  
去。則被這銀絲兒界破波紋綠。怎生這浮游兒不動。

纖湏我。這里回頭。猛然觀了豔姝。可知道落鴈沉魚。

禿廝兒

可人意。清歌妙舞。酬吾志。新酒活魚。春風一枝花。鮮  
語。似着色美人圖。粧梳。

聖藥王

樂有餘。興未足。罇中無酒典琴沽。倒玉壺。聽金縷。直  
喫的滿身花影。倩人扶。待不輸與俺楚三閭。

麻郎兒

我生居在畫屋。流落在郊墟。冷落了歌兒并舞女。控

閑了寶馬香車。知他是斷於甚處外府。遶青山十里  
平湖。駕一葉偏舟睡足。抖搜着綠簑歸去。

拙魯速

我今日赴京見鑾輦。倚仗着功勞敢喝金吾。瞞不過  
這近御。我去處便處。那一箇閑人敢言語。那無徒甚  
的是通曉兵書。他怎敢我根前。我根前無怕懼。

么篇

我如今復

帝都。你根前再囑付。則要你憫恤軍卒。愛惜民戶。弟兄

每和睦。伴當行賓伏。從今一去有的文書。我行分付。  
不比其餘。你根前敢做主。

尾聲

則他這好山好水難停住。我待寫入丹青畫圖。白日  
裏對酒賞無休。到晚來停燈看不足。

鬪鶴鷄

歐陽子方夜讀書。有聲自西南乍猛。掩黃卷危坐神  
驚。對青燈忽聽膽冷。響珊珊密灑踈敲。冷清清無形  
少影。勢不停。怒轉增。瀉潺煖瀑布千尋。捲洶湧波濤

萬頃。

紫花兒序

淒涼如瀟颯浙瀝聲惡似驟雨盆頃呼號若萍萍奔騰。雷霆霹靂金鐵鏗錚堪驚。又似啣枚赴敵兵。不聞嚴令。但聽蕭蕭人馬行聲。

小桃紅

我謂童子此何聲。汝出堦前聽。童子聞言即從命。到中庭。悄無踪跡大尤勁。銀河耿耿。踈星光映。相伴月華明。

寨兒令

童子驚。問先生。自沉吟。坐到三二更。出戶閑行。倚樹潛聽。聲在樹頭鳴。是商君今夜司征。遵號令。法取施行。慘一天橫殺氣。助萬籟起秋聲。聽好教人感時序。痛傷情。

金蕉葉

其氣懸天高日晶。其聲慘雲騰霧昇。其激烈霜結霧凝。其砭人肌寒骨冷。

禿廝兒

商音主西方正聲。夷則爲七月之名。於時爲金。又象兵。秋爲官而司刑。可便傷情。

聖藥王

春發生。秋結成。世間草木本無情。草正青。木正榮。忽然當此更凋零。敢這正是惟人乃物之靈。

鬼三臺

百憂感心無定。萬事勞形多病。動其中必搖彼精。尚日月有虧盈。笑痴人未省。思其智之所未能。憂其事之所未行。徒形體勞勞。昧心宵瞑瞑。

尾聲

恠予童子呼無應。正鼾睡垂頭未醒。但聞的四壁閑空聲。更和這助我淒涼伴燈影。

鬪鶴鶉

鶴背乘風朝真半空。龜枕生寒遊仙夢中。瑞日融和。祥雲峙聳。赴天關。遊月宮。歌舞吹彈。前後簇擁。

紫花兒序

畫錦堂筵開玳瑁。玻璃盞滿泛流霞。博山爐細裊香風。屏開孔雀。褥隱芙蓉。檜栢青松。瘦竹寒梅。浸古銅。

暗香浮動。品竹調絃。走竿飛觥。

小桃紅

筵前談笑儘喧闐。一派簫韶動。媚景良辰自情縱。拚却醉顏紅。一盃未盡笙歌送。金樽莫側。玉山低起。直喫的涼月轉梧桐。

天淨沙

碧天邊。挂鬼飛騰。銀河外斗柄回東。暢好是更長漏永。梅花三弄。訪危樓十二簾櫳。

調笑令

玉容。露春葱。翠袖慙慙捧玉鍾。看了這多嬌臉兒堪題詠。絳紗籠燭影。搖紅都喫的開襟墮巾筵宴中。綺羅叢醉眼朦朧。

尾聲

金樽飲罷雕鞍控。暢好是會受用文章巨公。比北海福無窮。似南山壽長永。

鬪鶴鶉

鵲噪霜枝。螢飛露草。月浸樓臺。風生院落。塞鴈聲悲。寒蛩韻巧。鐵馬搖砧杵。敲金鼎香燒銀缸焰少。

紫花兒序

繡被空孤幃寂靜。金鈎控獨坐淒涼。翠幃閑單枕消  
條。窻前皓月。簾下風飄。好是難熬。漏滴銅壺良夜迢。  
越添焦躁。腰細裙寬。粉悴胭憔。

小桃紅

深閨獨寢最難熬。好是傷懷抱。左右翻身盼難曉。淚  
珠拋。敗殘紅葉庭前落。金鷄叫徹。玉蟾低墜。風動桂  
花飄。

天淨沙

付能捱過良宵。如何捱過終朝。暢好是添煩受惱。全  
無消耗。閃的人玉減香消。

調笑令

也是我分薄。您情薄。呀。淺淡蛾眉不用描。倚幃屏展  
轉愁顛倒。怕聽那喜鵲聲啁。往常時雲鬟整罷將金  
鳳挑。這步時那曾道是湯着。

尾聲

要梳粧直等他來到。這般苦何時是了。不是我恁的  
般上心愁。怎當他那風流情意兒好。

鬪鶴鵑

密密飄飄紛紛片片帶雨隨雲寒光冷焰積玉堆瓊  
鵝毛亂剪雲滿天雪滿川潤物宜時禎祥兆年

紫花兒序

剡溪中子猷訪載霸陵橋浩然騎驢藍關道退之熬  
煎正應着素安閉戶蒙正歸窰買臣山前喜殺了宰  
鶴篁清閑那老仙冰雪堂蘇秦不見都不如錦帳內  
歡娛煖閣排筵

金蕉葉

列金釵十二在面前一箇箇品竹調絃韻轉窻兒外  
梅花不遠一陣陣風吹到酒筵

調笑令

對着這聖賢作詩篇可正是才子佳賓酒再傳都一  
般韻脚兒相留戀半空中柳絮飄綿樓臺殿閣碧玉  
填端的逞才思酒興詩聯

禿廝兒

有似那天花亂剪飛六出萬萬千千蹤橫往來撲面  
旋垂玉柱掛簷前堪憐

聖藥王

詩未全。酒興便。國家祥瑞慶豐年。舞一篇。唱一篇。觥  
籌交錯笑聲喧。齊賀着豐稔太平年。

尾聲

玉龍怒吼空中戰。戰敗的殘鱗遍天。上方鑾駕到人  
間。既不索誰把冰輪玉溝碾。

鬪鶻鶻

夜去明來到。有箇天長地久。不爭你握雨携雲。常則  
是提心在口。帶月披星。誰着你停眠整宿。老夫人他

心數多。情性傷。使不的你巧語花言。將沒作有。

紫花兒序

老夫人招了箇窮酸做了新婿。小姐做了嬌妻。這賤  
人做了饒頭。這兩日春山疊翠。秋水凝眸。別樣的都  
休。試把那裙帶兒拴。樓帶縛。則將紐門兒扣。比着那  
舊時節肥瘦。出落的精神。別樣風流。

金蕉葉

我着你但去處行監坐守。誰着你迤逗的他胡行亂  
走。若問着此一節如何訢休。我便是知情犯由。



調笑令

你在繡幃裏頭。效綢繆。敢效綢繆。呀。則你那倒鳳顛  
鸞。百事有。我在那窻兒外。幾曾輕咳嗽。立蒼苔。抱繡  
鞋兒水透。今日箇嫩皮膚。到將麈棍抽。則俺這通慙  
懃着甚來由。

鬼三臺

夜坐時停了針繡。共姐姐閑窮究。說張生病久。喑兩  
箇。今夜背着夫人。則向書房中間候。他說道。老夫人  
事已恩變。做雙着。小生半途喜變。做憂。張生道。紅娘  
你且先行。教小姐權時落後。

禿廝兒

我則道神針來法多。誰承望燕侶鶯儔。他兩箇今經  
月餘一處宿。何須你問從頭。說甚緣由。

聖藥王

他每不識憂。不識愁。一雙心意兩相投。夫人得好休。  
便好休。這其間何必苦追究。常言道。女大不中留。

麻郎兒

秀才是文章的魁首。小姐是仕女班頭。一箇通徹三

教九流。一箇曉畫描鸞刺綉。

么篇

他兩箇世有。便休罷手。大恩人怎做敵頭。起白馬將軍故友。斬飛虎叛賊草寇。

絡絲娘

不爭和張解元參辰卯酉。道與崔相國出乖弄醜。到底干連着自己骨肉。夫人也索窮救。

小桃紅

當日箇月明纔上柳梢頭。人約黃昏後。羞的我腦背

後將牙兒襯着衫兒袖。猛凝眸。看時節鞋底尖兒瘦。一箇姿情的不休。一箇啞聲厮耨。那其間不害半星兒羞。

小桃紅

既然泄漏怎干休。是我先投首。俺家里陪酒陪茶到。攔就你休愁。何須約定通媒媾。我拚了部署不收你。元來苗兒不秀。你是箇銀樣蠟鎗頭。

東原樂

相思事一筆勾。早則不展放從前眉兒皺。羨愛幽歡

恰動頭。既能勾。張生兀的般可喜。娘驪兒要你消受。  
尾聲  
來時節。畫堂簫鼓鳴春晝。列一對兒鸞交鳳友。那其  
間纔受您說媒紅。方喫你謝親酒。

合笙

喜得功名遂。重沐提携。荷天天配合一對兒。如鸞似  
鳳夫共妻。腰金衣紫身榮貴。今日謝得親幃兩情深。  
感激喜重相會。喜重相會。畫堂羅列駢珠翠。歡聲宴  
樂春風細。今日再成姻契。効學于飛。如魚似水。

調笑令

笑吟吟的慶喜。高擎着鳳凰盃。呀。我則見象板銀爭  
間玉笛。列盃盤水陸排筵會。狀元郎虎榜名題。我則  
見蘭堂畫閣列鼎食。永團圓世世夫妻。

道合

日前慮恐人談耻。一時嗔怒是虛脾。不道相嫌棄。此  
時無計可留伊。到今日里。歡樂拚沉醉。拚沉醉。莫忘  
了昔日綵毬兒。

耍厮兒

喜孜孜。筵排玳瑁。細氤氳。香裊金猊。紅圍翠繞。錦繡堆。聽一派樂聲齊。端的堪宜。

鮑子令

春賞名園。花似綺。景最奇。十里荷花。棹輕移。兩相宜。畫堂日日排佳會。莫交辜負好良時。好良時。交傍人傳說。綵樓記。

聖藥王

音呂齊。聲韻美。樂陶陶。慶賀做筵席。不暫離。步步隨。好姻嫁。端的不相離。永遠効于飛。

梅花酒

逢節遇時。稱心樂意。香風院落。歌聲美。斟醪醖。泛金盃。畫堂中歡笑美。爭如我和伊。同樂繡幃。盡今生効連理。朱幌翠幃。洞天福地。一似誤入桃源裏。這榮貴世無比。畫堂中歡笑美。爭如我和伊。同樂繡幃。盡今生効連理。盡今生効連理。

餘音

前生料想曾結會。又喜得今生相遇。父母夫妻團圓。齊賀喜。

鬪鶴鷄

高聳聳一黛青山。翠巍巍滿林綠柳。曲彎彎澗下蒼松。密密匝園中翠竹。聲哀哀鶴唳猿啼。急穰穰鳥飛兔走。清幽幽琴一張。香噴噴酒數甌。美甘甘淡飯黃齏。勝似那肥羊法酒。

紫花兒序

靜悄悄山中袖手。穩拍拍巷内存身。煖烘烘被裏藏頭。不知冬夏。不管春秋。都休薄利虛名一筆勾。恰便似野雲出岫。舒卷無心。自在優游。

金蕉葉

少是非柴門扣。無煩惱山妻問候。畢罷了閑茶浪酒。拜別了狂朋恠友。

調笑令

我如今得修。樂清幽。收了葶籃罷了斗。怕的是紅塵碧海蝦蟆鬪。是非場無了無休。我和這山猿野鷗。為故友。相伴着瓦鉢磁甌。

禿廝兒

名和利一齊罷手。好共歹並不耽憂。如痴似拙牢閉

口。忙收拾釣魚鉤。無限清幽。

聖藥王

但將詩句酬。再將這飲興投。休將閑事掛心頭。管甚  
溪水渾。不飲牛。收拾一隻釣魚舟。趁着綠水且閑遊。  
尾聲

至誠端的無塵垢。本是箇煙波釣叟。我向這草舍內  
不爭名。再不去紅塵路上走。

鬪鶴鶉

伴了些珠履瓊簪。乘了些雕鞍駿馬。走了些月館風

亭。卧了些重裯繡榻。醜嘴臉粧孤。喬模樣作假。則為  
你書不通禮。不達到如今。門徑兒瀟條。廊房兒倒塌。

紫花兒序

赤緊的麗春園用不着莽壯。富樂院哭不的貪酸。嗚  
珂巷告不的消乏。也是我椿椿兒弄醜。件件兒為差。  
嗟呀。那轉動的錢物不勾花。早難道丈夫聲價。參不  
的冷臉兒婆婆見。不的可意的冤家。

小桃紅

中年無計作生涯。流落他人下。尚兀刺留戀當時枕

邊話不防他。多情耻笑知音罵。待去呵青蚨有夢撒。不去呵寸心兒牽掛。沒來由情緒亂如麻。

調笑令

占定着小娃。止不過弄奸滑。又無甚筆吐江淹夢裏花笑。你箇空拳頭未肯甘心罷。翠紅鄉拚命行路。見相識免不的推聾做啞。見姨夫使不的利齒伶牙。

禿廝兒

你痴心兒時時的痛他。假意見轉轉的瞞咱。將你那行藏靜中明鑒察。無分福享奢華。井底之蛙。

聖藥王

全不想你囊已乏。他價轉加。呆荅孩終日望巫峽。我非是廝逼拶。待把你相救援。步瀆資本手中拿。哥哥你省可里念頭兒差。

尾聲

我則怕宣揚的你棚拽風聲大。我勸你且寧耐一時半霎。捨着命緊追陪。我開着門兒慢調發。

鬪鶴鶉

賣弄你仁者能仁。倚伏着身里出身。至如你官上加

官也不合親上做親。又不曾執羔鴈邀媒。獻幣帛問肯。恰洗了塵。便要過門。枉腌了他金屋銀屏。枉污了他錦衾綉裯。

紫花兒序

枉蠢了他梳雲掠月。枉羞了他惜玉憐香。枉村了他殢雨尤雲。當日箇三才始判。二儀初分。乾坤清者為乾。濁者坤。人在中間相混。君瑞是君子清閑。鄭恒是小人濁民。

天淨沙

把河橋飛虎將軍。叛蒲東擄掠人民。半萬賊屯合了寺門。手橫着霜刃。高叫道要鶯鶯做壓寨夫人。

小桃紅

若不是洛陽才子善屬文。火急修書信。白馬將軍到時分。滅了烟塵。夫人小姐都心順。則為他威而不猛。言而有信。因此上不敢慢於人。

金蕉葉

他憑着講性理齊論魯論。作詞賦韓文柳文。他識道理為人敬人。俺家里有信行知恩報恩。



調笑令

你則直一分。張生有百十分。你是箇螢火焉能比月輪。高低遠近都休論。我向那折白道字比與你箇清。渾。君瑞是肖字這邊着箇立人。你是箇寸木馬戶尸巾。

秃厮兒

他憑師友君子務本。你倚父兄仗勢欺人。糞土日月不壓貧。治百姓理新民。傳聞。

聖藥王

這厮他喬議論。有向順。你道是官人則合做官人。信口噴。不本分。你道是窮民到老是窮民。却不道將相出寒門。

麻郎兒

他出家兒慈悲為本。方便為門。你睜着箇橫死眼。不識好人。招禍口。不知方寸。

么篇

你是箇訕勛發村時狠。甚的是軟款溫存。硬打捱強為眷姻。不覩是強諧秦晉。

絡絲娘

你須是鄭相國嫡親的舍人。須不是孫飛虎家生的。  
莽軍。喬嘴臉。腌軀老死身分。少不的有家難遶。

尾聲

佳人有意郎君俊。我待不合來其實怎忍。你則好偷  
韓壽下風頭香。付何郎左壁粉。

鬪鶻鶻

舉意見全別。眼見的風殘月缺。瓶墜簪拆。也是我緣  
薄命拙。露冷蒼苔。紗窗外影斜。好教我自哽咽。厮拋

撇枕冷衾寒。香消燭滅。

紫花兒序

怕的是夜蘭人靜。獨守孤幃。感嘆傷嗟。這兩日相思  
怨恨。兀的不害殺人也。痴呆。心厮愛的人兒不知道。  
在那夢。知他是甚年何月。都做了眼前時光。怕的是  
最苦離別。

小桃紅

逍遙人在七香車。忙把珠簾拽。寶髻斜簪半彎月。鳳  
釵斜。殘紅碾破胭脂血。則他這風流模樣。怕人瞧見。

因此上忙把扇兒遮。

調笑令

叫一聲小姐。暗傷嗟。我這里暗想情人在何處也。知他你在那里。每調風月。隔雲山萬水千疊。你道是容易得來容易捨。要相逢。須有箇時節。

禿廝兒

即漸的把腰肢瘦怯。看看的害殺人也。沉吟了半晌。和誰說。忽上我心來。一似痴呆。

聖藥王

一會家悶懊惱。自堆跌去時節說的話兒。別等那廝來時節。把耳朶兒搥。長吁短嘆。恨重疊。無語暗傷嗟。

黃薔薇

則將我這門兒來掩者。付耳低說。則索把燈兒點者。是小生今番醉也。淚淹羅袖。訴離別意。痴痴懶下七香車。玉纖手忙把面皮遮。道是阿者他去也。你是必明夜早來步。

拙魯速

要相逢。恁時節。想昨宵那時節。真心兒去也。又無一

箇勸者拆散鸞凰不寧貼。不付能暗約偷期。又恐怕  
意中人。意中人歸去也。

么篇

窻兒外月影斜。倚幃屏自嘆嗟。一會家娘孌孌。躡  
足潛踪。夜闌人靜。海誓山盟好。教我煩煩惱。焦焦  
撇撇。哽哽咽咽。我可也覷不的。覷不的沉醉也。

尾聲

秦樓謝館珠簾拽。一曲陽關去也。即漸的減盡我腰  
肢。不似今番意難捨。

閩鶴鶉

雲暮重封。風力勁刮。玉絮輕掃。瓊甍亂打。粉葉飄揚。  
葢花亂撒。一色白。六出花。密密疎疎。瀟瀟灑灑。

紫花兒序

瑩玉綠高山領袖。水晶碾陸地樓臺。玻璃砌老樹槎  
枒。蚕食桑葉。蟹走平沙。時霎列壁鋪瓊。迷萬瓦。隨風  
蝶粉翩翩。蜂翅交雜。

禿廝兒

應時候在深冬暮臘。高盈戶報豐稔年華。驅蝗入土

將瘴氣壓。禎祥瑞耀

皇家端的堪誇。

### 聖藥王

是宜開綉闥。斟玉斝。泛羊羔。美酒味扁佳。樂韻雜歌  
調雅。肉屏風擺列女嬌娃。開宴競奢華。

### 么篇

不覺的酒力加。和氣麥。佳人爭賞笑。誼譁。玉纖將雪  
片拏。王鈎將雪地踏。則見那雪光人貌兩交加。似一  
片玉無瑕。

### 紫花兒序

秦嶺寒迷却去馬。剡溪凍駐行槎。蔡城喧起鵝鴨。讀  
書冷落。高卧貧乏。由他。且則走竿飛觥受用咱。直喫  
的醉時纔罷。笑相偎綉被香腮。風流似紙帳梅花。

### 尾聲

喚家童且把檀簾下。教侍妾高烧絳蠟。讀書含烹茶  
的淡薄多。銷金帳傳盃的快活煞。

### 鬪鵝鶉

想着他星斗文章。幾回家逢咱稽顙。只為那花月梳

粧。一見了交人斷腸。用了我說六國喉舌。下三齊智  
量。不付能添晚粧。推燒夜香。如此般月朗風清。花濃  
氣爽。

紫花兒序

月溶溶梨花庭院。風淡淡楊柳樓臺。霧濛濛芳草池  
塘。如此般好天良夜。淑女才郎。相將。意廝投門廝對  
戶廝當。成就了隻鳳孤凰。一箇不問月南樓。一箇不  
窺視東墻。

小桃紅

那生敢倚書窻。想相赴高堂。嚇的我可撲撲的小鹿  
兒。心頭撞。佸早晚是誰人敢無狀。你可怎生恁風狂。  
你自索責取箇招伏狀。是害的你那神魂蕩漾。你也  
合將眼皮兒開放。你常好是熱莽也沈東陽。

鬼三臺

這的是赴約的風流況。湏不是樂道的顏回巷。哎那  
里也歪談亂講。你因甚麼病在膏肓。百忙里賣弄甚  
麼風清月朗。當初那不能勾時害的來狂上狂。不付  
能得相見。諛的來慌上慌。見他時膽戰心驚。把似你

無人處休眠思夢想。

金蕉葉

這的是桃源洞花開艷陽。須不比妖廟火烟飛浩蕩。  
陽臺上雲雨渺茫。可做了藍橋水洪波泛漲。

調笑令

劈面的便搶。搶白那病襄王。呀。怎生來畚悔了巫山。  
窈窕娘。滿口裏之乎者也無攔當。都噴在那生臉上。  
唬的那有情人恨無箇地縫兒藏。羞殺我也傅粉何  
郎。

禿廝兒

請學士休心勞意穰。俺小姐他則是作耍難當。這是  
我傳書寄柬情受的賞。誰承望向咱行。倒些風霜。

聖藥王

他道是這一場。這一樁。都是這辱門敗戶小輕狂。殺  
人呵要見傷。拏賊呵要見贓。請起來波多愁多病漢  
文章。這的是誰與他的紫香囊。

麻郎兒

這聲音九分兒是你令堂。呀。頭一句先抓攬着梅香。

您炒鬧起花燭洞房。自支吾待月西廂。哎不妨莫慌  
我當親生女豈肯聲張。家醜事不可外揚。你索取箇  
治家不嚴的招狀。

絡絲娘

自尋思識禮義尊顏侍長。幾曾做這般樣出醜腌臢  
的勾當。罷不罷休不休乞求箇明降。恁的呵他兩箇  
同歸鴛帳。

雪裏梅

你好壯臉也畫眉郎。並不敢多口小紅娘。俺姐姐着

足下慙慙好事也從來魔障。教你那心兒裏怨長。

青山口

哎不妨不妨。你走將來效鸞凰。女孩兒須是慌。怎想  
撞上折散鴛鴦。他心兒裏沒奈向。教人難對當。怎防  
他有這場。教你收拾書箱。打迭行裝。便赴科場。獻策  
吾

皇拜謁朝堂。兩袖天香。一部笙簧。宴罷瓊林出建章。車  
蓋也軒昂。祇候成行。香也麼香。却還鄉。唐也麼唐。貌  
堂堂。相國門傍。共俺尊堂。子母商量。錦堂上燈燭輝



煌。那時將撮合山。恁時節賞。

尾聲

俺小姐情堅如碧玉簪。心赤如金鳳凰。意不別你箇  
白衣相。兩件事教先生行拜上。做俺這有情相國狀  
元郎。罵你做薄倖長安少年黨。

鬪鶴鶉

我則見霜葉丹楓。烟迷綠柳。露洗黃花。風梳翠竹。網  
曬磯頭。舟橫渡口。衰草堤敗。葦洲荒。壠外白叟扶犁。  
孤村內青帘賣酒。

紫花兒序

映日色一灘紅。寥漾犁光十里滄。波點晴空幾箇白。  
鷗。嵐光冉冉。風力颼颼。凝眸新鴈長天。萬里秋收。成  
時候。看了些社長鄉翁。他那裏鼓腹歌謳。

金蕉葉

愛的是短牆外蒼松葉稠。小池內金魚暗遊。恰轉過  
回廊戶牖。向佛殿焚香叩首。

小桃紅

天王托塔鎮中州。擁護慈恩厚。看了這法座蓮臺玉

磨就五雲堦。殿堂總是琉璃甃。行童點燭。梵僧持呪。  
鍾韻起高樓。

調笑令

我恰待問候。說緣由。去路來踪尚未熟。似秋蟬乍覺。  
金風透。枉擔閣。十年昏晝。既然法身能自守。不覺的  
喜笑悠悠。

鬼三台

聽了這銅壺漏。三更後。恰新叅話頭。怕驚動鬼神愁。  
且權時閉口。放毫光皎皎。雲外浮。落天花糝糝空外。

收。八部龍天堦前拜首。

禿廝兒

他將那出世界言詞判剖。免教人零落荒丘。你將那  
粗衣糲食權自守。同會友且優游。心休。

聖藥王

你欲待靜處修。林下遊。棹五湖雲水一扁舟。翫清流。  
整釣鈎。一聲長嘯海山秋。再不索風雨替花愁。

麻郎兒

從今日斷酒。遠王竿金甌。也不看飛鶯走狗。也莫戀

肥馬輕裘。

么篇

一任你湖上伴會釣叟。翫青山綠水忘憂。共兩箇漁  
樵話久。笑一會虎爭龍鬪。

黃薔薇

想天離久。向人世遲留。自把塵緣抖搜。聽徹俊猊叫  
吼。

慶元真

想當日蓮花童子喜盈眸。散花仙女話相投。只因一

笑落閻浮。修修急早修。休等到雨淋頭。

尾聲

我將這今生宿債都償勾。索辦箇天長地久。還向那  
維摩會散花行。再不来閻浮提躍筋斗。

鬪鶻鶻

春意將殘。夏情又起。紫燕尋巢。鴛鴦戲水。鵲噪簾東。  
鶯啼舍西。杏已紅。梅正肥。榴綻籬邊。柳垂岸堤。

紫花兒序

點青錢荷鋪如翠。綻紅蓮花勝緋衣。滴珍珠酒泛玻



總然無春宵一刻勝千金。怎如我這夏日歡遊數十里。

鬪鶴鶉

可意才郎風流俊美。因為我花艷多嬌。精神秀質。皆因他惜玉憐香。將我做心肝兒般愛惜。想着他鳳友交更。和那鶯燕期俺。也曾共枕同眠。如膠似漆。

紫花兒序

常想着枕頭邊恩愛。被窩裏溫存。懷抱兒裏依隨。我愛他千般俊俏。所事皆知。件件兒希奇。則為那弄雨

調風。那些兒見識。不知他怎生般聰會。則為他所事通達。事事皆齊。

小桃紅

俺也曾星前月下效于飛。共賞芳心。遂携手相將任歡會。端的也不相離。鴛鴦帳底成佳配。則為我溫柔旖旎。成就了風流佳婿。一對美滿俏夫妻。

調笑令

我和他向鮫綃帳裏戲春幃。施逞步百計千方巧樣勢。俺也曾相偎摟抱着休輕棄。戲春心艷色絕魁。趁

着這花濃柳柔情順美。好一世似水如魚。

禿廝兒

雲鬟鬆無心整理。脂粉消懶意收拾。我和你從新再成夫婦禮。象牙床錦藤蓆。端的是堪宜。

聖藥王

趁着這涼夜遲。暖帳底被窩中恩愛有誰知。則我這花藥嬌。端的柳嫩肥。恰便似鶻鶻相。並不相離。休忘了今夜會佳期。

尾聲

一天好事從今日。休忘了來朝此夕。重相會在錦堂中。受用在今宵鴛鴦帳裏。

鬪鶴鶉

聖主寬仁。堯年舜日。一統華夷。千邦進禮。雨順風調。時豐歲庶。元夜值。風景奇。鬧穰穰的。逐鼓喧天。明晃晃金蓮遍地。

紫花兒序

香馥馥綺羅齊列。密密匝匝車馬喧衢。光灼灼燈月交輝。滿街上王孫仕子。相携着越女吳姬。偏宜鳳燭高

燒晃玉墀。果然為最。只疑是洞府神仙。閨苑瑤池。

小桃紅

歸來月影小。窻移蘭麝香風細。翠袖瓊簪兩行立。捧金盃。絳綃樓上笙歌沸。冰輪似水。通宵無寐。可正是愛月夜眠遲。

金蕉葉

拚沉醉。頻斟綠醴。恣賞翫珠簾樹起。歌舞動歡聲笑。喜一任教銅壺漏催。

尾聲

須將酩酊酬佳致。樂意開懷宴席。願得歲歲賞元宵。這的是人生落下的。

鬪鶴鶉

電遶樞星。虹流華渚。紫氣氤氳。清香馥郁。海晏河清。修文偃武。感

聖恩。過舜禹。喜遇着

萬壽佳辰。更值着三冬節序。

紫花兒序

丹墀內齊排着僊仗。玉爐內細裊名香。金盃中滿泛

着醍醐。托賴着吾

皇有德。保四海無虞。民樂康衢。見昨夜長庚燦太虛。正  
值着

聖人初度。擺列着武職文臣。一齊稱  
萬歲山呼。

小桃紅

太平一統混車書。萬國蒙生育。黎庶謳歌感恩露。盡  
歡娛。皆仰賴

聖主齊天福。君明如舜禹。臣賢似房杜。德勝侶唐虞。

尾聲

黎民樂業無差賦。共祝願

皇圖永固。祝

聖壽永無疆。掌中華

聖明主。



言本

言本

言本

言本

